



# PE HOOGLAND

Geloof deur liefde tot daade




13 Augustus 2023 | 041 367 1485 | info@pehoogland.co.za | www.pehoogland.co.za




**WAARDE-REEKS**  
 Aanvaar om te aanvaar  
 13 Augustus 09:00 @ Hoogland  
 Romeine 15:1-13

## Noodspens : Geloof deur liefde tot daade

Baie dankie vir die skenkings was reeds ontvang is. Dit word baie waardeer en maak regtig 'n verskil. U is steeds welkom om enige bydraes by die kantoor af te gee of by Gemeentedienste te los asseblief.

Dringende benodigdhede:

Toiletware: tandepasta / seep / sjampoe  
 Kos: *White Star* kits mieliemeel pap / imana soya maalvleis pakkies / blikkies *baked beans* / blikkies vis (*tuna*) / 2 min noedels / konfyt / suiker (250g) / grond-boontjebotter / ens.

# Baie Welkom: Program van die dag

09:00 Oggenddiens: Nagmaal - Ds Pieter Nel

10:00 Geloofsvormingsgroepe in hulle onderskeie lokale

17:00 Buffelsfontein diens: Nagmaal - Ds Pieter Nel

*Deurkollekte: Diens van Barmhartigheid (Sin)*

## Program vir die Week:

**Maandag: 14 Augustus**

10:00 Gebedsaksie in Kapel

**Dinsdag: 15 Augustus**

14:00 Vroue Bybelstudie

18:30 *Unlocking the Bible* - kursus

**Woensdag: 16 Augustus**

08:45 B'fontein Bybelstudie

10:00 Gemeente Bybelstudie

**Donderdag: 17 Augustus**


10:30 Woord Werkgroep

**Vrydag: 18 Augustus**

05:15 Mannebediening

## Algemeen

### Bydraes



Snap here to pay

SnapScan

### Bankbesonderhede

NG Kerk PE Hoogland

ABSA

Rek - 1400 149 980

Takkode - 632005



Zapper

Enige gebedsversoeke kan  
vertroulik met 'n *WhatsApp*-  
boodskap gestuur word na:

**079 815 9325**

## Augustus : Tiende Dankoffermaand

Wat as... ek my dankoffer 'n persoonlike gebed- en geloofsaak maak? Ons moedig mekaar aan om 'n tiende van ons inkomste uit dankbaarheid aan die Here te gee.

Bydraes kan op die volgende maniere gemaak word.

- **Elektroniese betaling:** (PE Hoogland, ABSA tjek rekening: 1400149980)
- **Kontant in koerte:** Koerte is in die brosjurevakkies beskikbaar.
- **Kaartfasiliteite** is by die kerkkantoor beskikbaar.

GVG groepe het ook 'n spesiale sakkie ontvang vir hulle kinder Tiendedankoffers.

Hou asseblief **Sondag, 27 Augustus** oop vir 'n  
spesiale **Dankofferfees** vir almal !

# Hoogland Gebedsaksies

## 1. Sinodale Dag van Verootmoediging: Sondag, 13 Augustus 2023

Gemeentes word uitgenooi om nederig voor die Here te buig oor die toestand van ons land en saam te bid vir:

- genesing van ons land
- leiers wat met integriteit regeer
- geestelike en morele herstel
- beter skoolopleiding vir kinders
- die veiligheid van ons mense
- herstel van ekonomiese vertroue en investering
- betroubare vennootskappe met die regeringsektor ten opsigte van maatskaplike dienslewering
- die verkiesing van 2024
- dié wat as gevolg van armoede, geweld of natuurrampe swaarkry.



## 2. Bid & Vas: 18 - 20 Augustus 2023

Die geloofsgemeenskap van PE word ook opgeroep om te Bid & Vas vir 3 dae oor die volgende sake:

- die redding en herlewing van die mense van die Metropool
- dat al die kerke in eenstemmigheid sal saamstaan.
- dat God ons land sal gesond maak.
- ons staan teen magte van die bose, want ons is die lig vir die wêreld. Ons moet die volle wapenrusting aantrek.

### Vrydag, 18 Augustus 2023


Vas en bid (Slegs water of soos elkeen kan)

### Saterdag, 19 Augustus 2023

Neem die stad terug vir Christus: Die organiseerders is besig om al die goedkeuringe te verkry vir optogte deur die stad en by elke Winkelsentrum waar die boodskap van herlewing en terugdraai na God verkondig sal word. 'n Konvooi van motors ontmoet 09:00 Saterdagoggend by die Boardwalk parkeerterrein en sal so deur die stad beweeg en tyd spandeer by elke winkelsentrum.

### Sondag, 20 Augustus 2023

Vas, Bid en Lees gerus Ester 4:14 - GOD SE KERK MOET SIGBAAR WEES MEER VAN GOD, MINDER VAN ONS





## Waarde reeks #4

### Aanvaar om te aanvaar...



Liefde vir God, ons naaste en omgewing



... deur ons geloofsdade in die wêreld



...deur almal te verwelkom in God se geloofs familie



### Gesels saam (of oordink op jou eie)



Kan jy 'n situasie/tyd onthou wat jy nie aanvaar is nie? (Dink bv. aan 'n werk of studierigting waarvoor aangesoek gedoen is, of selfs 'n spesifieke groep waarvoor jy nie aanvaar is nie.)



Aanvaarding is een van die basiese behoeftes van ons as mens: ons wil aanvaar word deur vriende / kollegas / aangetroude familie / huweliksmaat / ens.

Paul Tournier skryf die volgende:

“Geen mens kan in hierdie wêreld vrylik ontwikkel en 'n vol lewe lei as hy of sy nie voel dat hulle deur minstens een mens begryp en aanvaar word nie”



### LEES Romeine 15:7

God aanvaar ons deur Jesus Christus soos ons is, maar wanneer Hy ons so aanvaar, beteken dit glad nie dat ons moet bly soos ons is nie. Juis *omdat* Christus ons vir God aanvaarbaar maak, kan ons nie anders as dat ons lewe iets van God se aanvaarding leef deur ander mense ook te aanvaar nie.



### Waarde-oefening vir die week

Wees hierdie week op die uitkyk vir enige iemand wat "uit" voel: dit kan so eenvoudig, maar aangrypend, wees soos om net iemand uit te nooi om in die groep waar jy staan en gesels, in te nooi. Dit kommunikeer aanvaarding.



Sien volgende week...